



06 APR, 2021

Penjara tujuh hari, denda RM11,500 kerana sogok polis

Sinar Harian, Malaysia



Page 1 of 2

Penjara tujuh hari, denda RM11,500 kerana sogok polis



Tertuduh (kanan) didakwa di Mahkamah Sesyen Kuala Terengganu pada Isnin.

KUALA TERENGGANU - Seorang lelaki dijatuhi hukuman penjara tujuh hari dan denda RM11,500 oleh Mahkamah Sesyen di sini pada Isnin selepas mengaku salah memberi sogongan sebanyak RM2,300 kepada seorang anggota polis pada Februari lalu.

Tertuduh, Mohd Iskandar Mohd Zain, 41, berdepan dakwaan mengikut Seksyen 17 (b) Akta Suruhanjaya Pencegahan Rasuah Malaysia (SPRM) 2009 dan boleh dihukum di bawah Seksyen 24 (1) akta yang sama.

Hakim Dazuki Ali turut merintahkan tertuduh dipenjara enam bulan sekiranya gagal menjelaskan denda berkenaan.

Berdasarkan pertuduhan,

Mohd Iskandar didapati memberikan satu suapan iaitu wang tunai berjumlah RM2,300 kepada seorang anggota polis yang bertugas di bilik Timbalan Ketua Polis Paka di Dungun pada 21 Februari lalu.

Perbuatan itu dilakukan sebagai dorongan untuk tidak mengambil tindakan ke atasnya yang disyaki sebagai orang dikehendaki kerana melakukan kesalahan lampau di bawah Seksyen 15 (1) (a) Akta Dadah Berbahaya 1952.

Pendakwaan kes dikendalikan Timbalan Pendakwa Raya SPRM, Farah Yasmin Salleh manakala tertuduh diwakili peguam, Mohd Hayyatuddin Mohamad.



06 APR, 2021

Penjara tujuh hari, denda RM11,500 kerana sogok polis

Sinar Harian, Malaysia



Page 2 of 2

SUMMARIES

Tertuduh (kanan) didakwa di Mahkamah Sesyen Kuala Terengganu pada Isnin.

KUALA TERENGGANU - Seorang lelaki dijatuhi hukuman penjara tujuh hari dan denda RM11,500 oleh Mahkamah Sesyen di sini pada Isnin selepas mengaku salah memberi sogongan sebanyak RM2,300 kepada seorang anggota polis pada Februari lalu. Tertuduh, Mohd Iskandar Mohd Zain, 41, berdepan dakwaan mengikut Seksyen 17 (b) Akta Suruhanjaya Pencegahan Rasuah Malaysia (SPRM) 2009 dan boleh dihukum di bawah Seksyen 24 (1) akta yang sama.